



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 25. maj 2011
J.nr.: 01.31.06/11-00532

Aningaasaqarnermut Naalakkersuisoq

NUKINGINNARTOQ

Aningaasaqarnermut Ataatsimiititaliap suliaq nr. 01.31.06/11-00532 pillugu pingsunngornermi ulloq 25. maj 2011-mi aalajangiineranik Naalakkersuisunut ilisimatitsineq.

Aasianni ilinniartut inissaannik sanaartornermi atugassanngortitsineq

Naalakkersuisut **inassutigaa**,

- Konto pingaarnermi 84.40.15-imi, Ilinniartut inaannik sanaartorneq, pilersaarut nr. 996.52.056-imut, Ilinniartut inaannik pilersaarusionerq sanaartornerlu 2011, 2011-imi aningaasaliissutit 26,6 mio. kr.-inik appartinneqassasut aamma suliaq nr. 100.52.048-mut, Ilinniartut inaannik sanaartorneq, Aasiaat, 2009, 2011-imi 26,6 mio. kr.-inik qaffanneqassasut, aamma
- Konto pingaarnermi 84.40.15-imi, Ilinniartut inaannik sanaartorneq, pilersaarut nr. 996.52.057-imut, Ilinniartut inaannik pilersaarusionerq sanaartornerlu 2012, aningaasaliissutit 17,1 mio. kr.-inik appartinneqassasut, aamma suliaq nr. 100.52.048-mut, Ilinniartut inaannik sanaartorneq, Aasiaat, 2009, 2012-imi 17,1 mio. kr.-inik qaffanneqassasut.

Aningaasaqarnermut Ataatsimiititaliap oqaaseqaatai

Aasianni Ilinniarnertuunngorniarfimmu atsunik ilinniartut inaannik 50-inik sananissamik neqeroorutip akuerineqarnissaa siunertaralugu aningaasat ilinniartut inaannik sanaartornissamut immikkoortitat atugassanngortinneqarnissaat suliami matumani Naalakkersuisut qinnutigaat.

Isummernissamut tunngavissiaq una ulloq 20. april Naalakkersuisunit akuerineqarpoq. Ingerlariaatsikkulli kukkusoqarneratigut isummernissamut tunngavissiaq Aningaasaqarnermut Ataatsimiititaliamit suliarineqartussanngorlugu aatsaat ulloq 10. maj 2011-imi nassiunneqarpoq. Kukkuneq taanna pivoq naak suliaq nukinginnartutut nalunaaqutserneqarsimagaluartoq. Kukkunerit taamaattut pinaveertussanngortillugit allaffissornikkut periutsit ilusilersorneqarsimannginnerat assut eqqumiippoq. Tamanna kukkunerit taakku taamaaqataannik Aningaasaqarnermut Ataatsimiititaliap ukiut ingerlaneranni tikkuaasarsimaneramik naqissuserneqarpoq.

Neqeroorummik akuersinissamut kingullertut piffissaliunneqarmat ulloq 26. maj 2011 Aningaasaqarnermut Ataatsimiititaliaq ilisimatinneqarpoq.

Inassuteqaatip aappaani ukioq 2012 pineqarmat ataatsimiititaliamit maluginiarneqarpoq. Missingersuusionermit inatsimmi kapitali 6-imi aalajangersakkat naapertorlugit Aningaasaqarnermut Ataatsimiititaliaq ukiumi aningaasanut inatsisip atuuffiani taamaallaat akuersissutiginnissinnaavoq; tassa 2011-mut tunngasunut. Missingersuusionermit inatsimmi aalajangersakkanik saneqqutsinissamut 2011-mi aningaasanut inatsimmi periarfissaqarpoq;

tamatamani minnerunngitsumik pineqarluni suliassa qarfirmut 80-89-imut oqaasertaliussaq nr. 4, taamaalillunilu kontot pingaernerit ilaannit sanaartugassanut aningaasaliissutit ukiuni missingersuusiortfinni aamma atugassiissutigineqarsinnaallutik, tassa 2012-2014-imi. Oqaasertaliussamili taaneqartumi piginnaatitsissummut konto pingarneq 84.40.15, Ilinniartut inaannik sanaartornermut tunngasoq, ilaangilaq. Taamaattumillu qinnuteqaatip tamakkiisumik akuersissutiginiisaanut ataatsimiititaliaq piginnaatitaanngimmat inassuteqaat siulleq aningaasanut inatsisip atuuffianut 2011-mut tunngasoq kisimi ataatsimiititaliamit akuersissutigineqarsinnaavoq. Taamaalillutillu inassuteqaatip aappaa 2012-imi aningaasanut inatsisissatut siunnersuummut Naalakkersuisut ilannguttariaqassavaat. Sanaartugassanut aningaasaliissutinut ukiunut amerlanerusunut sunniuteqartunik siusinnerusukkat suliqaartarnermi tamanna periuserineqartarpoq.

Sanaartugassamut tamarmiusumut 46,8 mio. kr.-it aningaasartaliunneqarsimasutut allassimammata ataatsimiititaliap aamma maluginiarpaa. Paatsuungasoq aqqunagu oqaatigineqassaaq matumani killilimmik akuersissutiginnikkut sanaartugassamut aningaasaliussat taakku iluini sanaartornermik aallartitsinissamut Naalakkersuisut mattunneqartutut isigineqanngimmata, minnerunngitsumik tak. missingersuusiortnermut inatsimmi § 18, imm. 3-mi aamma 5-imi kiisalu kapitali 5-imi maleruagassatut allassimasut.

Naggasiullugu ataatsimiititaliamit erseqqissarumaneqarpoq ilinniartut inaannik pisariaqartitsinerup Naalakkersuisunit eqqumaffigineqaannarnissaa ilinniartitaanerup suliniuteqarfigineqarneranut suli assut pingaaruteqarmat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Aningaasaqarnermut Ataatsimiititaliamit akuerineqarpoq

- Konto pingarnermi 84.40.15-imi, Ilinniartut inaannik sanaartorneq, pilersaarut nr. 996.52.056-imut, Ilinniartut inaannik pilersaarusiortneq sanaartornerlu 2011, 2011-imi aningaasaliissutit 26,6 mio. kr.-inik appartinneqassasut aamma suliqa nr. 100.52.048-mut, Ilinniartut inaannik sanaartorneq, Aasiaat, 2009, 2011-imi 26,6 mio. kr.-inik qaffanneqassasut.

Aningaasaqarnermut Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap siulittaasua